

# الاجيب عن عنة

حماد قرون


الطبعة الأولى




الناشر


جمعية دار النشر (الأدبية) لرعاية الموهوب

ت : ٢٩٩١٤٠٨ موبایل : ٠١٠٣٨٥٦١٥٤



3





## للشاعر النادر محمد الشعان محمد

و الأديب الحقيقي ليس فنانا موهوبا و حسب ، بل هو أيضا حامل رسالة إجتماعية تنبع من كون الأدب فنا أكثر منه علما ، وإلهاما أكثر منه اختراعا ، و بالتالى يستطيع الأديب ان يستوحى إلهامه من شئ ما فى المجتمع مما يجعله متمكنا فى التنبؤ ببعض الأحداث ، فيتجاوز الحاضر إلى استقراء المستقبل ، بل أن الساسة الكبار لكى يتعاملوا مع أى مجتمع أصبح عليهم أن يتعرفوا على ملامحه من خلال قراءة النصوص الأدبية ... ، كما أن الأدبيات السياسية الحديثة تولى اهتماما خاصا لدور الحكومة ووظيفتها مع تسليمها بأهمية تنامى دور الأنشطة الفردية والأهلية و القطاع الخاص ... ، و إذ كانت الجمعيات الأدبية تشكل وجه الحياة فإن الشاعر " حماد قرني " ومن خلال جمعية دار النسر الأدبية- أعلن ضرورة المشاركة الفاعلة فى التوعية بمحو الأمية و مشكلة السكان والبطالة و بيع الأعضاء ، و الادمان و دور المرأة و الشباب فى إطار أدبى متنوع بين العامية و الفصحى سواء شعراً منظوما على بحور الخليل أو فى

سطور مغلقة على السنة من نار وشاعرنا " حماد قرني " في  
باكورة إصداراته " الأعيب ممنوعة "  
يؤكد و بلغة مصرية وطينته في قصائده " حروف من بلدي " ،  
البلادى حق مين " ، " فاكهه " ، " بيكى و ليكى " ، " مزاية "  
ويتعرض لمشكلات في مجتمعه يلزمها " جراحه " لا يعرف  
مشرطها " بودره " أو " كتر عيال " ثم يختار الفصحى للتعبير  
عن تلك الأحلام التى تتحول إلى حقيقة بعد صبر و مثابرة وعمل  
جاد يرسم المستقبل مثل قصيدة " إليها ... حيث هى " .  
و تكمن روعة هذه القصيدة فى أنه جعل من " توشكى "  
رمزاً للوحدة العربية ، ودعا فيها إلى اللقاء و الحوار بفكر جديد  
و لغة جديدة .

وهى قصيدة مضغوطة تتطلق من الذات إلى اللا حدود  
..... ، وتتغنى ( بفنون لم تلدها الشفاعة ) لتراقب حركة البسطاء  
فيما و راء الذهنية و الشاعر هنا مؤمن بقضايا وطنه و يشارك  
فى " السياسات " التى ينبغى أن يكون له دور فيها .. ، و يحاول  
وضع لمسات الغد المشرق دون إجهاض لحقوق من سبقوه فى  
الأمس القريب ، و يكفيه شرف الإصرار على الشعر من هذا  
المنطلق فإننى أتوجه بدعوة شاعرنا إلى ضرورة الاستفادة من  
الفنون الأخرى و التضمين و الأقتعة و لا يتأتى ذلك إلا بمزيد


من القراءات و مراجعة موسيقى الشعر و البحث عن الصورة  
المبتكرة و التلاعب اللفظى فى تجربة واعية بالاحداث ينجم عنها  
جهد مشترك بين المبدع و المتلقى للوصول إلى الرسالة المرجوة  
من العمل الادبى بدءا من جمال الاستهلال و حتى روعة الخاتمة  
و إليك عزيزى القارئ ..

لعلك تلمس معى الجرأة التى تناول بها الشاعر قضاياها  
وفى إطار قد نصيبه المباشرة أو يتخذ شكل الأغنية الشبابية  
أحيانا ، إلا أن لا يفتقد الشاعرية و الموهبة مما يجعلنى أخالك "  
عزيزى القارئ " و بعد جولة سريعة بين صفحات هذا الكتاب  
.تمنح صاحبه تأشيرة دخول إلى " الأعيب " أخرى غير "  
ممنوعة " .

## الشاعر محمد الشحات محمد

رئيس مجلس إدارة جمعية دار النسر الأدبية





### حروف من بلدى

محروسة يا بلدى برغم الغدر  
نورك باين جوه الفجر  
منارة علم لكل زمان  
وأدى الأزهر زى البدر

\*\*

صوت الحق تملى على  
واقف زى الشمس يلالى  
(بنده بكره بامضى و ذكرى)  
يشهد لنا الوضع الحالى

\*\*

رنت أجراس الحرية  
وجمال الدنيا فى عنيه  
محسوبة و القرية ذكية  
يكفينا مزايا المصرية

م

ص

ر

### جراحة

أنت بتستعجل ليه      والدين كام ألف جنبه  
روح بيع الكلية سلامتك      رح تصبح أحسن بيه

\*\*

الوردة بتاعتك سيبها      م الفردة بتغنى حبيبها  
واسأل شغاله تقولك      قصدى الهانم ونسيبها

\*\*

شركة جراحات تجميل      بدأت من غير تمويل  
و الطالب لما اتخرج      كان عايز يبقى دليل

\*\*


دخل المستشفى اياه      الشاب العاقل تاه  
تاجر بالطب هناك      واتجوز م البنت حياه

\*\*

خلاها تتبع البلية      وافقت وبخاتم حلية  
بس الحرمان و الزينة      كان لازم بيع الكلية

\*\*

أنت بتستعجل ليه      والدين كام ألف جنيه  
روح بيع الكلية سلامتك      رح تصيح أحسن بيه



## فاكرة

لو يزيد الحزن ف قلبي      إنت غنوايا  
لو أتوه فى بحور الدنيا      إنت مرسايا  
إنت روحى و نور عينيه

إنت أيامى اللى جايه  
إنت فرحى .. إنت جرحى

واللى حبك كان تملى

كل دنيايا

لما أفكر فى اللى فات      واستعيد الذكريات  
مرة أضحك .. مرة ابكى      مرة اشتاق لللاهات  
فاكرة أحلام النهار      ولا لوعة الانتظار  
فاكرة إيه ولا إيه      قالوا عنا الناس زمان

غنيوه و حكاية

لو قالولى الشمس تطلع م الغروب  
و القمر ممكن يتوه وسط الدروب  
لو جبولى النجم يحكى  
والسحاب من فوق ببيكى  
لو قالولى بكره تشكى  
مش هصدق إلیى إنت  
ما إنت جوايا  
\*\*

### مزايه

أغفر لك .. و أسامحك لا  
أنا مش نبى .. ولا آله  
أصل أنا مصرى .. ماضى و عصرى  
والمستقبل .. كاتب نصرى

\*\*

مش راح أسمحك .. ذنبك أكبر  
أصلى بحبك .. أكثر و أكثر  
لو كنت جريح .. وف وش الريح  
لازم أخذ .. حقى بتصريح  
أصل أنا مصرى .. ماضى و عصرى  
والمستقبل .. كاتب نصرى

\*\*




هوه اللى حبك .. لو حبه قدى  
أديتى قلبك .. عمالة تدى  
فاكر و ناكر .. لو أنه شاكر  
كان قال ضلوعى .. غصن وعساكر  
أصل أنا مصرى .. ماضى و عصرى  
و المستقبل .. كاتب نصرى

\*\*

بلاش تحدى .. بلاش تعاندى  
خليكى فاكركه .. الكلمة عندى  
تاريخى جدى .. أمى مزايه  
الكون بيدى .. زى العصايه  
أصل أنا مصرى .. ماضى و عصرى  
والمستقبل .. كاتب نصرى

-----



## ملعون

ملعون غواني وقاللى

هنقضى سهرة مزاج

و إن كنت حتى مفلس

برضه ما فيش إخراج

عزومة وهاقوم بيهها

وإحنا يا عم أصحاب

ها تحس أنك ملك

سلطة و عرش و تاج

فى عقلى قلت يا واد

دى سهرة متفشرة

مشيت معاه مسحور

فى ساعة متأخرة

ودخلنا وكر غريب

كأنه بيت أشباح

ناولوني ورقة بودرة

وقالولي شم لك تذكرة

نسيت وكانت البداية

وبقيت أسير الشم

ونسيت كمان الدنيا

والأخ ويا العم

-----

## بيكى وليكى

بيكى وليكى بعيش ايامى  
بيكى وليكى بقول انغامى

بيكى وليكى بشوف قدامى  
دنيا جميلة بسحر عنيكى

والقلب شاريكى	الفرح بأديكى
يا لحن انغامى	بيكى أنا وليكى

ونهايته دايما خير	وصبرنا ياما كثير
طب ردى بعنيكى	وإن كان الحب كبير

## البلد دى

صحى كل الغفلائين      البلد دى حق مين  
حق كل العرقائين

إلى شريان قلبه نازف      وإلى ع السقالة واقف  
وإلى فى المصنع أمين

و الموظف إلى شايف	ربنا فى الدواوين
وإلى فوق حدودنا زاحف	نار فى وش الطامعين
وإلى فنان بس عارف	إلتزامه باليقين
وإلى بيسطر وواقف	سطره للحق المبين
وإلى فوق كل المواقف	بالمبادئ يستعين

\*\*

ده جواب المخلصين	عن سؤال عمره سنين
يا بهية إحننا لينا	فى البلد دى مؤيدين
يا بهية و خبريهم	اطرحى حب و حنين



## بودرة

علشان نزرع يالله ونبنى  
كفاية بقه توهان يا بنات  
أيه المعنى شبابنا بيبنى  
قاصد يقتل مجتمعات  
مدمن شم وصحبة كفاية  
رايح بجرى فى قلب الموت  
ويا شباب فى الأصل مراية  
ليه بتشمو فى الهروين  
تقتل فيكم كده فى سكوت  
وتخليكوا أموات عايشين  
قلنوا بتهربو من مشاكلكم  
والهروين والشم صاحبكم



السم الأبيض قاصد موتكم

وتضيعو سنين فى شبابكم

مش هنقول بيضيع صحة

أو هنقول أبحاث طبية

كفاية ف يوم لو جتلك كحة

أو دوخان وبرعشة قوية

وتتوه كده ويجيك بحة

ولا تتفجع وصفة بلدية

أصل السم ده جاى من بره

حالف يكتم فى الحرية

علشان نزرع ونبنى

كفاية بقة توهان يا بنات

أيه المعنى شبابنا بيبنى

قاصد يقتل مجتمعات

### فرحة

يا فرحتى يا هنايا .. و الحب غنى معايا  
و القلب طار بهوايا .. يا فرحتى يا هنايا

--

يا فرحتى بحبيبي .. لما ندانى وقاللى  
أنت الهوى و نصيبي .. أنت حياتى تملى

--

من فرحتى قلت امواه .. من فرحتى هستناه  
ولا ولا مش هنساه .. وهو قلبى وفكرى

ودنيتى ومنايا  
يا فرحتى يا هنايا

## أشواق

من حبي فيك حاولت أنساك  
وانسى ليالى هنايا وياك  
وهربت لوحدي من دنياك  
لكن قلبي مشغول بهواك

أنت هنايا و الحنين      أنت دوايا م الأنين  
أنت غنايا للسنين      كل منايا في رضاك

قلبي وعقلي ملهوفين عليك  
حبي وكل مشتاقين إليك  
ياللى الجمال سحره كله فيك  
مظلوم معاك لما بترجاك

ارحم شويه دموع عنيه      بلاش يا روحى من الاسيه  
خلي حياتى تكون هنيه      وأنت معايا ونا وياك  
من حبي فيك حاولت أنساك

### من كثر عيالي

الله يا بدوى جاب اليسرى ...

أنا الأديب الأدباتى

عشر سنين ويا مراتى

جبتلى فيهم يا خواتى

خمس بنات و خمس صبيان

البيت يا ناس بقه كله عيال

وبعضهم لسه بينشال

فتحت روضة للأطفال

وبكرة أفتح جامعة كمان

الصبح قبل ما فتح عين

أسمع خناقة بين ولدين

أعمل قضية ولا أثنين

قبل الفطار وأخرج هربان

وكل ما أكسب نقدية

تروح فى حكما و أدوية

البنّت دى سخنة شوية

والواد مش طالع له أسنان

وكل جمعة بجيب قمشات

وكمان صنادل وفانلات

صبحت من كتر عيالى

فقير وضاعت أموالى

والضغط بقه عندى على


عشان ليلاتى ببات زعلان

ومراتى كانت حلوة زمان

بقت خلاص زى أبو قردان

م التعب والهـم كمان

عيانة دايما وأنا عيان



# الاجيب عن حنة



أزجال

## إليها .. حيث هي

والتقينا  
في قصور من رمال و اخضرار  
حين كنا نتلوى خلف " توشكى "  
في " بطون الدبية "  
وهوى ملتهبة  
نشتهي سنبلة من حلمات اللبن  
ونجيمات الرؤى الضائعة  
و التقينا  
بعدها قالوا اغتربنا  
ما احترقنا  
إنما الحب شتاء  
رغم صيف يحتوينا  
نحتويه  
في " عيون عارية "  
وفنون دامية



وسط نبضات المحار  
كنت رؤيا  
فى زروع الولد الساجد فينا  
حينما كنا كلمات  
وارتضينا الحب دينا  
إنما الحب صلاة ورابط العاشقين  
و أخيراً قد أغنى  
ونغنى  
بفنون " لم تلدها الشفاه "

---

### أضرحة

إلى روح الراحل " محمد عبد المنعم "

هون عليك

ما عاد في الافاق شئ يرتقب

ماذا نريد من السيوف ؟

صليلها

كيف الصليل وقد غدا سيفي خشب

ماذا نريد من الخيول ؟

صهيلها

كيف الصهيل وكل فرسانه كذب

هذي سراييفو تباد وخلفها

بالأمس كانت نخوة الفرسان ..

بركان الغضب

استبدلتها الأمنيات بأضرحة

يا المصلحة ..

المصلحة

## ومضة

(١)

سلف بلا تلف ما عدت أذكره استلف  
والسعر في الشعر اختلف

(٢)

أحلام سارة لا تقى أطماع شين  
حتى البراءة في الأمومة و الطفولة تختفى  
أمنالك شين غير شبلان خفى  
أه هناك الشين " شارو " صورة أبوية  
وهنا أضفنا النون لما نكتفى  
بمذابح الأقصى .. و شارون اكتفى

(٣)

وسألت موج القلب عن كنتها  
ومن بناجيتها الهوى فصنعتها  
وأجابنى .. لكأننى  
قابلتها .. جالستها  
لكننى بالعين .. ما رأيتها

مختتم


سين و شين و امتداد ألف  
راء و واو في العناوين السلف

تبقى فلسطين التي  
تحيا بأبناء العفف

—

زجل × عجل





### مناجاة الحبيب

يا فؤادى لم تتاجى حبيبتى  
أسير هواى و تلك هى مخيلتى

غريب العهد رغم جروح الليالى  
عشقت النجوم وليس الغدر شيمتى

يا مهجه الفؤاد كيف عهد الهوى صار  
فأنا على ميثاق الحب ماضى يا أميرتى

أناجيك باشواق جارفة  
فإنى عبير الحب يا دنيتى

غرامياتى أناجى بها أعز حبيبة  
فبأى لغات الغرام أناجى أميرتى ؟

يا روعة الفؤاد بصراط حبك أهتدى  
صورتك بالخيال يا صغيرتى

## إلى ملاكى

هيا يا ملاكى بالأشواق

يا محبوبتى حديثتى عن أحلامك

أناجيلو من قلب عامر بالحب

يا حبة اللؤلؤ مشتاق إلى خيالك

أيها النور الساطع فى سمائى

طابت نفسى لرؤياك فمتى لقائك ؟

يا قرة العين و نبع الحنان

عجز قلمى فى ترجمة أوصافك

يا محبوبتى لقد طال اشتياقى

هيا ضمينى إلى فؤادك

هل تدركينى لهيب فؤادى

إنه سكير العشق فى هواك



### إلى حبيبتي

حبيبتي مع دجى الليل يزداد قلبى اشتعال

سعيد الهوى فحبك هو المنال

من وحي قلبى نظمت قصيدتى

وليس عن طريق التكال

هذه أبيات تعزف ألحان حبى


فذاك حب لم يكن له مثال

نظرات حبك تداوينى

فم يكن عشق الروح هزال

على مر الزمان أخلد حبى

إلى أبد الدهر حبنا ولم يكن محال



## أكتب لمين

أكتب لمين بعد ضياع السنين  
من بعدك ما أدور على الحنين

أكتب لمين بعد ضياع حبنا  
يا قلبي إنت بقيت لمين ؟

إتبادلنا غرامنا ولا حد فرقنا  
ما عرفنا إيه جرى للعاشقين

ليالى طويلة سهرناها مع فجرنا  
لكن ده أمل كذاب و العيون خداعين

العين بكيت والدموع جفت  
وقلوبنا ضحية الحاسدين

قلبي إنجرح و كان صعب  
عليه الفراق بين قلوبين  
السهر دوب جفوني  
وراحت معاها رموش العين  
راح الحب و بقت الجراح  
وأدى النهاية كتبها الآنسين

## لمن سواكِ..!

أحببتك حب الجسد للروح  
و أرتعد الفؤاد لوجهك الخمرى


سالت أنهاراً من دموع الهوى  
فتدفقت إلى حبيبة عمرى

حبيبتي متى يأتى ربيع قلوبنا  
متى ألقاك بعد صبرى ؟

أسكرتني كاسات حبك  
فى عشقك أفنيت عمرى

يا سوداء العيون ما أنا  
أنها منى فى بحور شعرى

يا مالكة الفؤاد إننى  
مع همسات الحب أسرى  
إن لعبت نار الأشواق  
فمن سواك يطفئ لهيب قلبى  
تعالى آهات المناجاة  
لى حبك و أدعو ربى  
يا ساكنة فؤادى الجريح  
لمن سواك أهدى حبنى ؟



## الفهرس

٦	.....	مقدمة للشاعر محمد الشحات محمد
١٠	.....	حروف من بلدى
١١	.....	جراحة
١٤	.....	فأكرة
١٦	.....	مزايه
١٩	.....	ملعون
٢١	.....	بيكى وليكى
٢٢	.....	البلد دى
٢٤	.....	بودرة
٢٦	.....	فرحة
٢٧	.....	أشواق
٢٨	.....	من نتر عيالى
٣٢	.....	إليها حيث هى
٣٤	.....	أضرحة
٣٥	.....	ومضة







## إصرار النسر الجمعية

- ١- أوليات العشق - شعر على رضوان.
- ٢- دوماً نسافر في الأفق - شعر أحمد السرساوى.
- ٣- الشاعر الأموى محمد على عبد العال  
إعداد/ محمد توفيق الأزهرى
- ٤- عيون عارية - شعر النسر نزار .
- ٥- سيعات بلا نهاية - إعداد / أحمد رمضان
- ٦- الأعيب ممنوعة - أزجال / حماد قرنى

### تحت الطبع

- ١- أعلام أغفلهم التقويم إعداد / النسر نزار -  
أحمد رمضان - زينب عبد الوهاب.
- ٢- دورية بعنوان جريدة النسر الوطنى.

رقم الإيداع ٢٠٣٨١ / ٢٠٠٣

جمعية دار النشر (اللاوي) لرعاية الموهوب

ت : ٢٩٩١٤٠٨ موبايل : ٠١٠٣٨٥٦١٥٤